



稽留山人集目錄

第三卷

敝帚集

詩七十七首

戊戌元日

戊戌晦日偕談長益方爾止吳六益集

慈仁松下趙友沂中翰載酒過從卽席分韻得八庚

二首

訓明農山人方爾止

莫春之月飲西河酒

肆觀新柳口占四首

曾庭聞孝廉計偕來都於其

下第歸有贈

嘲吳六益六絕句

燕山遙哭二小

姪

送陳昌箕孝廉下第歸閩中

戊戌五日

吳

興公有詩見投率爾奉答四首

馬晝初館選

俞

殷書登第

俞以除館選

朱汝平登第

盧鯤颺

登第 送張譙明都諫分巡貴池四首 壽宋旣庭  
孝廉尊人子堅先生 送吳錦雯司李吳門二首  
大暑京邸述懷 馬晝初太史馮鞞卿進士邸舍招  
集丙子同籍友人諸家子弟賦詩言志二首 題亡  
友俞三企延小像 題方爾止苦吟圖 六月望日  
偕韓聖秋方爾止靳茶坡許天玉白仲調徐次履吳  
六益張友鴻程周量吳菌次趙友沂劉六皆朱紹九  
集陳階六給諫雙槐軒分韻同賦二首 田髯淵孝  
廉遊西山歸將買舟南下長歌贈別 劉石生以明  
經謁選停年待補却歸秦中贈別五首 章澹公孝

廉下第謁選待補還里以詩畱別率然奉答 送翁

永叔歸西溪二首卽簡叔夏公偉 送劉清餘民部

請假歸里 送黃嚮先司李端州 得舍弟康侯耗

知定來燕山喜作 贈季滄葦侍御十六韻 重九

前一日舍弟到 戊戌九日芝麓先生友沂中翰招

同諸君集興誠槐下以舍弟始至不果往遙和席間

重陽登高韻四首 是日友沂尊大人總憲洞門先

生亦不赴會用前韻成詩見示索和復賦四首 與

舍弟夜話二首 宋其武太史招余兄弟同聖秋

亭看菊口占 十月朔日偕舍弟詣慈仁看松兼觀

廟市有感 放鶴亭歌追爲張少司空賦 越吟篇  
爲宛委胡學士大母張太夫人壽 同談長益贈紀  
伯紫次韻 夜久

稽留山人集第三卷

戊戌

詩二十七首

武水陳祚明肩倩甫著

戊戌元日

余時假館設帳琉璃廠呂僊祠內

僊宮樓旅客講肆作經師一卷終吾老三陽換不知盧生  
醒昨夢松子負前期臥看便便腹屠蘇醉亦宜

戊戌晦日借談長益方爾止吳六益集慈仁松下趙  
友沂中翰載酒過從卽席分韻得八庚二首

此日何知是 帝京松風滌耳舊溪聲遠追晦日三唐節  
敢擬當時四皓名金馬看星還似隱白衣送酒與同傾杖  
頭但有青錢足把手重來坐月明

其二

何嗟春草喚愁生坐愛長松樹樹清同是酒徒誰不飲竟  
非吾土已忘情百年人似巢由少四韻詩誇沈宋成遙想  
樂游原上日誰將蘿薜易簪纓

訓明農山人方爾止

殺羊之裘草爲帶騎驢出門傲冠蓋舍山山下明農人形  
貌何癯道何泰昔時定交西子湖到門俊及傾顧厨我家  
元方愛賓客尊中之酒無時無草亭末席坐小弟徃徃許  
與皆吾徒丈夫意氣何骯髒生才何必爭瑜亮經綸各有  
千古心乘風欲破萬里浪灌園抱甕羞隱淪區區肯作蓬

蒿人豈知桑田變滄海海水清淺行揚塵家兄無祿著鞭  
早功業不立甘湛身我收遺骨撫孤子失路坎壈長清貧  
道之不行此固命遠引願作桃源民吾徒同志每索寔貴  
見裏抱全天真布衣何必蹈東海獨徃聊爲田子春世上  
浮名無亦好八口苦饑難自保乞食更作京華游面目黧  
黑色枯槁道傍却見明農人跋扈飛揚氣尚存逢官迎門  
負轡矢隱者却較王侯尊十五年來更相見存歿酸辛屈  
指論贈我新詩那忍讀話舊語出聲還吞西山冥冥北風  
烈白日出地塵沙昏招提松下強醉飽狹邪驢背空崩奔  
勲名了不望裹抱曷不鼓枻還鄉園買山無錢歸未得素

衣爲緇淚沾臆往來去住依他人賣賦更愁人不識魯蓮  
玉貌那在此四皓鬚髯徒爾爾況多衰舊哀沅湘同學故  
人半爲鬼人生幾得一百年故鄉遠隔三千里酒酣耳熱  
意悽惻潦倒羈棲竟誰是春風一起歸去來湖上花時鱖  
魚美

莫春之月飲西河酒肆觀新柳口占四首

玉澗春深柳色青解衣沽酒坐旗亭卽教春酒如春水蕩  
滌離愁不忍醒

其二

得似江南只柳條春風憶上段家橋三千里外燕山客獨

立蒼茫故國遙

其三

城邊柳外見西山玉澗東流去不還今日尊前須盡醉誰  
人長得駐朱顏

其四

黃公壚子許頻過柳影參差映碧波得飲莫論身外事五  
侯門下履聲多

會庭聞孝廉計偕來都於其下第歸有贈

四海會先輩飛揚氣不羣輕身誇學劔嗜古酷論文老美  
朱翁子貧仍范史雲可堪書十上裘敝出西秦

其二

風塵重見爾別已十年多家室都難問丘墳近若何耦耕  
遲荷篠挾策靳鳴珂語默違心事蕭條髣欲皤

嘲吳六益六絕句

趙文姬有教坊第一之譽客為吳處士致之處士大喜過望作詩四

十篇稱美不置羅虬比紅兒之意也然已有揮千金買取者詩以惱吳亦寓嘲趙之旨

佳人獨立翠樓中十五盈盈日在東合配錦衣公子去不  
應嬌小嫁梁鴻

其二

鹿門裙布肯安貧豈有嬌歌妙舞人處士虛裛交甫珮無  
緣更見洛川神

其三

定情一夕喜如狂斗酒詩成四十章縱使陳思能作賦洛  
神元只侍文皇

其四

蓮花為步柳為鬻作喜生嗔目未挑最是多情嵇叔夜壚  
邊一臥已魂銷

其五

秦箏鴈柱按新聲淡淡蛾眉傲馬卿別館不來巫峽夢照  
人無寐月偏明

其六

作客天涯一劍多狹邪朱陌屢經過歸來只有於陵婦爲  
補春衣曳薜蘿

燕山遙哭二小姪

貞倩兄康侯弟各一子  
於戊戌歲相繼殞歿

吾家譜系宋南渡遠祖名留永樂年兄弟中鮮惟一老八  
十倚杖看曾元六孫幸有小宗六三支不祀何忽然其餘  
奕葉僅宗祏豈有瓜瓞生綿綿每多昆弟四五輩死亡略  
盡終單傳我父少孤家破碎劣不凍餒捐黃泉艱辛成立  
恢祖烈道大其澤當長延如何四子不肖似又弱一個大  
者賢仲兄季弟幸努力葛藟覆蔭相鉤連昔時大兄宦方  
逢膝下少壯行隨肩牀頭鵠立形影聚食牛之氣皆無前

老親掉頭泣暗壁若等長大誠何益趙武初冠求箴規敬  
姜夜績訓朝夕英蓼豈無庭堅祖武子不救樂盈尼百年  
始了尚平志八子未是高陽宅眼中花開畏風雨他日飄  
搖恐孤隻懿哉我父真聖人早識寒微預悲惜時移物壞  
春冰解三人偃蹇臥蓬藿大兄早歿一兒孤祚也再娶將  
兩雛仲兄季弟身不保老大收犢爲鰥夫有嫂始婚益復  
鼓不孝莫大長嗟吁癸甲之歲兄逾壯我弟二十五年長  
初成嘉禮各有室欲告先靈慰悽愴我緣乞食走京華喪  
家之狗逃所向聚廬餽口兄弟留警鷄視夜聊相傍旋聞  
各產渥洼駒旅舍開書神亦王天親一本人非他螽斯之

羽何共和遙疑英物啼實許可是麟兒頂未摩窺屏學語  
齒會長愁歸不辨牽衣訛從此添丁各蕃衍周家四乳寧  
爲多如何不淑並摧折雙埋玉樹朝榮滅綵綳委地呼不  
聞繡襖在裏撫猶熱不使我見老眼枯況復愁多客心咽  
商瞿有子晚未妨西河投杖目流血已傷遲莫兼伶仃忍  
使寧馨重訣絕人家子弟玉樹佳枝欲使森庭階卽非  
二妙有亦好所貴百足相撐排椎心泣血夜不寐念此家  
門魂屢悸矧當八口關餽粥待我賣文金却寄長安奇字  
糞土賤青錢白鏹乞匪易三春囊底無一文世與君平久  
相棄嗚呼兄弟得無以我爲非人歿者暴露存者貧貧猶  
自可餓則那不遇九食經三旬如此豈復望生聚去家拮  
据空勞神無術長育幼穉歿勿克負荷祖考嗔遙遙鳳卜  
神明胃慘慘牛衣涕淚身一絲九鼎危難續二子重泉命  
不辰

送陳昌箕孝廉下第歸閩中

漫說知名三十年相逢話舊一凄然故交慘澹招魂賦生  
事蕭條乞酒錢歲月還丹銷白髮風塵挾策戀青氈名山  
自有千秋業掩戶何妨但草元

戊戌五日

千栝頻勸江南酒五日三經薊北天縱有榴花愁對雨看

懸艾葉碧如烟醉來荷鍾年虛續賦得襄沙死孰憐江上  
貧家長不火應無搏黍奠靈筵

吳興公有詩見投率爾奉答四首

宿齡矜簡默靜理非傲誕廣筵羅衆賓目擊存所觀姻婭  
聯嗣宗作逢偶名彥元夜觴屢持蘭醴爵無筭燭跋寶筵  
撤斗積珠履散披襟情已敦促坐迹猶判多難驚焱霆高  
名緬河漢龍劍會有時及此詠如貫

其二

重趼易千里烈士多剛腸詔獄凜肅殺慘若玄冬霜姓名  
呈對簿吏議如沸湯豈無骨肉親畏約誠深藏之子襄久

要濡足行褰裳俯躬詢獄吏改服探桁楊皎皎萬古心平  
生矢不忘

其三

鬱鬱夏日長相逢狹邪陌慕類欣椒蘭投分刻金石矧欽  
朱家誼感此夷門客曩襄茲可寫新詠心實獲贈言何淒  
其慷慨述疇昔

其四

川鱗戀深澗谷禽悅會丘棲遜愜本性言念溪山幽羈鞅  
煎中腸營道爲食謀日歸歸未克故國途阻修布衣適緩  
步捷徑驚傾軻終期采五芝巖壑借淹留

馬晝初館選

晝初丙子舉於鄉與先兄同門

歐公門下冠羣賢對策淹遲二十年燕關幾人還待詔瀛洲此日始登僊校書獨步薇花月歸院雙攜蓮炬烟得似相如非晚逢看君珥筆頌甘泉

俞殷書登第

殷書與從弟以除同捷南宮

翩然軾轍共題名賜宴慈恩並轡行爭羨簪花看合璧無嗟縮綬領專城三篇射策凌晁錯駟馬停車傲長卿君到湖橋多意氣可知負弩有逢迎

俞以除館選

同舉何殊宋子京鳳池華選獨登瀛筆花長映宮薇吐袍翠偏依苑柳行官燭高筵修史夕石經深勒校書名請陳車服誇同學侍從多知稽古榮

朱汝平登第

游倦纔逢薦子虛漢庭久識馬相如由來練賦人爭寫此日題名手自書紅汗花閒鞭影疾青袍柳外珮聲徐南歸置酒春堤曲橋畔須停駟馬車

盧鯤颺登第

陰符發篋揣摩時自下三年董子帷偶索檳榔何絕少頻穿楊葉未爲遲泥金送捷開香閣藥榜題名步玉墀高第卻說誰不美藍田片玉始應知

送張譙明都諫分巡貴池四首

大纛高牙領上游親持龍節古諸侯江聲采石褰帷轉山  
色銅陵立馬秋練達主因封事識從容誰爲直言留宦  
情不易滄洲興出牧何當怨散投

其二

開府當年庾子山白頭閱歷徧間關倦游筆是梁園健遣  
興官從勾漏還諫獵有書傳國史乘驄何意出朝班  
君恩特簡紆南顧臥理江城案牘閒

其三

走馬看山左掖回相如詞賦傲鄒枚秋風稍覺承明厭春  
水遙從銀漢來仗下三年穿苑柳笛中五月落江梅此鄉  
饒有鱸魚膾吏隱偏宜濁酒杯

其四

湖山花縣到龍門重向京華侍酒尊不淺高樓庾亮興  
難忘幸舍孟嘗恩客中忍見登車去病裏真銷送別魂楚  
水燕山四千里新詩何日更同論

壽宋旣庭孝廉尊人子堅先生

閩闔門中楊柳疎柴桑遺老此閒居牀前獨拜皆名士枕  
裏親編有秘書幽洞春蘿探峯粵荒臺細草感姑胥風塵  
復見蓬萊淺庭駐方平五色車

送吳錦雯司李吳門二首

驚代推才子於今見古人  
新除羞郡佐薄祿濟家貧  
府署還依柳官厨亦設尊  
吳兒休健訟斷獄解如神

其二

侍從何人是如君賦子虛  
不令分賜札且去習爰書  
投謁交遊雜逢迎禮法疎  
一官非所好猶勝食無魚

大暑京邸述衷

曦陸遵鶉火炎蒸到朔方  
更無巖樹碧酷有塞塵黃  
謁客慵懷刺攤書戀偃牀  
誰能仍乞食吾特愛羲皇

馬晝初太史馮鞞卿進士  
邸舍招集丙子仝籍友人

諸家子弟賦詩言志二首

羔鴈元方共才名彼一時  
晨星三五在歲緯再周移  
挾策連翩遇開尊牽拂隨  
今朝投轄飲臭味敢差池

其二

仕籍人今少交情喜未寒  
烽烟憶行省

時王邁人為西川右轄

消渴

病郎官

劉清餘任民部郎方移疾

鴈塔新題字漁舟老荷竿  
存亡休屈指

指努力勸加餐

題亡友俞三企延小像

吟詩作畫總逃禪書罷籠鶯亦偶然  
記得掀髯長笑日誰知  
宿草已三年

題方爾止苦吟圖

白石清泉坐茂林，明農處士入山深。卽今詩律誰人細，敏捷何須效苦吟。

六月望日偕韓聖秋方爾止靳茶坡許天玉白仲調  
徐次履吳六益張友鴻程周量吳蘭次趙友沂劉  
六皆朱紹九集陳階六給諫雙槐軒分韻同賦二  
首得十五刪十五咸

焚草初歸侍從班，倦游詞客共追攀。解衣入座青雲侶，揮扇憑欄落照間。暑退修槐延碧月，夜深高燭射朱顏。欹斜人影傳杯數，愛士從知吏隱閒。

十年麋鹿戀松杉，未許躬耕谷口巖。是處通名褻短刺，幾時斲藥抱長鑿。酒中爲政吾何有，物外論交自不凡。痛飲豈知身獨賤，尊前上客半朝衫。

田髯淵孝廉游西山歸將買舟南下長歌贈別

聞君襆被西山游，六月不暑如清秋。巖下飛泉歎寒玉，日出林杪嵐光浮。碧雲寺中帶雲宿，來青軒上青滿屋。松烟濛濛嵐影濕，宵靄疑是子真谷。我留京邸四載餘，乘興欲往還停車。褐衣偏惹塵土黑，情性豈與山水疎。多君芒屨裹布襪，尋巔攬勝陶嘉月。詩句摩崖幾處留，瑤函石髓爲君發。君才本是李青蓮，斗酒能成一百篇。把杯長鯨吸巨

浪搖筆鷗鶚凌秋天家徒四壁氣卓犖不貴黃金貴一諾  
長將意氣輸友朋肯似悠悠學輕薄曳裾不登七貴門七  
貴爲爾時開尊褻刺不入五侯宅五侯轍迹還過存聲名  
日起褐衣重能文未獻甘泉頌解道千金散復來有才如  
此寧無用上策不收歸去來鱸魚蓴菜新潑醅他時給札  
承明殿拄笏看山爽氣開

劉石生以明經謁選停年待補却歸秦中贈別五首  
跋涉因何事淒涼守一官停年新壅積歸路舊饑寒湘水  
魂千里朱方嶺百盤且應扶旅櫬早晚發長安

南在嶺

時令先兄  
客生柩尚

其二

吾汝天涯見中年感慨多謀生念家室惜別限關河色沮  
羞投刺身閒憶荷蓑著書何日事衰鬢日蹉跎

其三

道上棲棲者何心逐斷蓬祇求八口活隨意一丘中作我  
真成拙干人未易工不須論語默並有古人風

其四

疇昔飛騰意須爲蓋代人艱難隳百慮淹沒任千春流俗  
堪誰語惟君嗜我真執鞭求不可高枕耐長貧

其五

昨歲冰霜候初春送馬鞭茲行秋氣蕭落木向秦川別路  
津梁晚交情夢寐懸斷蓬風不定重會是何年

章澹公孝廉下第謁選待補還里以詩留別率然奉

答

澹公故先  
兄同籍

猶將衰髯上公車誰識窮經董仲舒進上班荆豈不淺山  
陽聞笛意何如丹黃漫擬成文選松菊安能遂隱居欲就  
一官仍未得風塵惜別重欷歔

送翁永叔歸西溪二首卽簡叔夏公偉

客中頻送客何處是鄉山忍見征帆發愁生岐路驪浮盞  
驅白髮生事變朱顏爲約西溪水明年泛棹還

其二

異地欣同聚山中舊德鄰春明真妒爾溪上竟投綸高臥  
千峰得焉知四壁貧閉門修竹裏應笑不歸人

送劉清餘民部請假歸里

燕山八月白雲生灞澹高秋玉澗清僊郎却憶鱸魚膾移  
疾扁舟破浪行家在錢塘門外住小閣臨流山在戶別業  
西溪北山北短棹時沿溪上路溪上家家綠竹饒梅花繞  
屋影蕭蕭幽牕雪色窺林麓小市人烟簇板橋問安堂上  
宜春酒七十童顏垂素首池塘細草更聯吟獻歲烹葵還  
剪韭長文著膝容如花棟裏迴看谷口霞便疑德洞非人

世肯戀長安有狹邪一官脫屣浮雲薄三徑棲遲得真樂  
謝安捉鼻愁不免肯使終身在丘壑我愛湖山作逸民遠  
遊却踐洛陽塵不如一脫金閨籍便已爲漁向富春

送黃嚮先司李端州

自我來京華四見秋草黃豈不念家室行李羞空囊昔者  
同心友一一昆弟行襟期忘爾我臭味何芬芳逢時各有  
才干祿來此邦客子持酒尊叩筑歌清商慰藉及貧交不  
自知他鄉彼美金閨彥曳珮方翱翔安國及嚴助侍中乃  
宋昌休沐騎馬過新雨天氣涼濁酒亦有香明澄亦有光  
魚餐雜菹蒲行炙羅圓方言笑何宴宴爲樂殊未央吾子

叔度姿千頃波汪洋上書不見收取醉傾百觴何當遠于  
役捧檄之炎荒五嶺山宵靄萬里雲蒼茫跼跼鳶墮溪蕭  
蕭獵掛岡其鳥有翡翠其木饒枕椰所嗟兵未休羽檄馳  
縱橫僭張煩父老誅求厄農桑弄兵尚萑苻握粟悲桁楊  
法令如牛毛束濕用申商寬仁夙所襄引律亦嚴明行春  
一坐樹蔽芾留甘棠急病賢者心叱馭輕子陽不堪灞陵  
別南北道路長登車卽天涯關山兩分張遼遼限燕越浩  
浩述津梁我行旣永久鬢髮忽已蒼本自同里閭折柳翻  
殊方客中還送客涕下何浪浪因成莊舄吟車輪轉衷腸  
春明河水泮逝將理歸航念子或乘輿百舍能塞裳壁間

爲下榻天末重連牀是時斗酒會乃在君子堂高吟酒旣  
醉應索荔枝嘗

得舍弟康侯耗知定來燕山喜作

爾向長安笑封書說北征貂裘渾敝却皂帽合留行辭廟  
靈幃遠登舟襪被輕所攜詞賦筆潦倒視而兄

其二

去里吾成悔之燕爾更非窮途應對泣何日定同歸雪沒  
王生履風吹范叔衣語卿道何物祇爲不勝饑

其三

自我飄蓬走荆花剩二枝連跗承露活墜萼受風吹出更

辭兄長人堪幾別離河樓畏春節芳草亦差池

其四

兄孤亦汝姪與弟共而師衣食猶須顧詩書總未知入門  
啼向壁把卷問堪誰不識長安遠虛將淚北垂

其五

汝札今頻到身應在客舟江驚揚子渡水沸濁河流過關  
儒偏賤空囊客倍羞北來寒漸緊曾不音覓羊裘

其六

憎子來何決焉知會面難計程行漸近翻欲驟爲歡衰鬢  
親相認新詩盡上聲互看預備明燭待絮語及更闌

贈季滄葦侍御十六韻

當代推名彥爲郎亦近臣  
掄材丹陛識改秩繡衣新  
鷺鷥飛爰集鷹鷂氣不馴  
栢臺初秉直花縣久歸仁  
忝竊平原士招邀北海賓  
階前珠履雜牀上石經陳  
烹茗泉如雪呼童玉作人  
論詩駕蕭統述史富裴駟  
前朝得圖書古蹟珍孤高  
凌末俗簡傲恕微身汎愛  
龍門廣昌言鳳闕春丰稜  
嚴墨吏膏澤潤疲民諷議  
參黃閣忠誠翊紫宸立  
朝看對仗奉使亦埋輪  
白簡飛霜肅清卿指月真  
褐衣容下客莫厭徃來頻

重九前一日舍弟到

下馬褰簾入黃塵滿布袍  
依人真計左望爾欲登高  
骨倍當年瘦筋緣百舍勞  
相看真覲面眉髮認秋毫

戊戌九日芝麓先生友沂中翰招同諸君集興誠槐  
下以舍弟始至不果徃遙和席間重陽登高韻四

首

令節尋名勝華筵九日重  
更爲落帽飲不得曳裾從  
今古留雙樹烟霞眺萬峯  
插茱同舍弟天末是初逢

其二

風塵銷歲月留滯幾重陽  
只愛山麋侶方聯塞鴈行  
玉炊杭稻白金把菊花黃  
已飲身行樂龍山會欲忘

其三

想像羣賢至東山躡屐登攀條同一嘅作賦各相矜宮闕  
青峯繞陂塘白水澄未難驚四座不與給三升

其四

簪冕如巖谷來游發興高宦情羈憶鱸生事了持螯客至  
能吳詠詩成績楚騷把令士龍讀清絕故滔滔

是日友沂尊大人總憲洞門先生亦不赴會用前韻  
成詩見示索和復賦四首

疇昔苟陳會將車出每從茲辰翻掩戶獨立自支筇皂帽  
何曾著籃輿未可逢興來仍不淺五韻步能重

其二

九辯悲秋意登臨感不忘愁攀槐樹碧忍負菊花黃一榻  
攤書讀空庭索酒嘗風吹今雨後抱膝對斜陽

其三

不與龍山席爲文耻未能如何閒謝傅亦似待王弘豈少  
車如水虛勞酒似澠半巖鸞鳳響縹緲望孫登

其四

紀事成詩捷當筵命酒豪摘花供几席落葉下亭臯古樹  
存龍爪名家有鳳毛趨庭多唱和白雪調偏高

與舍弟夜話二首

無才只合箕山隱玩世聊爲柳下狂  
邸舍交游多落落故園松菊已蒼蒼  
愁中非病餐頻減歸去無家缺自長  
詎有買山資賣賦新詩知爾滿奚囊

其二

郢人一曲陽春調下里歌工未許知  
斗酒百篇吾豈敢千金一字爾堪師  
偶來旅舍飄蓬合不到池塘夢草遲  
安得三田將小阮閉門細讀脊令詩

宋其武太史招予兄弟同聖秋顯亭看菊口占

吾弟芒屨走上京士龍入洛未知名  
招邀並到司空宅座客皆如竹下清  
燈前菊花爛熳開沾脣濕席傳酒杯  
乞食竟隨珠履至叩門不待白衣來

十月朔日偕舍弟詣慈仁看松兼觀廟宇有感

京華本是幽州路戰國燕昭建都處  
黃金臺廢古蹟荒只有慈仁兩松樹  
此松或謂金初植榦短枝長莽交互  
千秋居然成故物不死似有神靈護  
每月三市估客來傾筐列肆何喧歷  
月之朔望及下五冠蓋鱗集飛塵埃  
傭奴炊黍忍薰灼狡童上樹百千迴  
摩娑豈復有生意枝葉乾燥身體摧  
日落人歸羣動息新雨始晴月雪色  
青蒼迴覺煙霞生冥漠直與星辰逼  
老材不耐時折挫晚節最宜人愛惜  
此松托根旣非所空長龍鱗復何益  
松生本在花宮裏貝

開瑤壇淨如水傍砌子隨花雨落闌門濤答潮音起扶疎  
側出態有餘蟠曲下蔭青不已使植深山大麓中茯苓長  
就黃雲蒙焉知垂老受剝落鬣黃皮黑枯枝空後栽兒孫  
四五樹已成偃蓋摩蒼穹瘦槐吐花秋爛熳羗桃擢穗春  
蒙茸人生失意亦如此潦倒不得誇身雄君不見道旁蘭  
蕙隨百草斬刈束縛等枯槁國香雖貴苦不保古來隱者  
身名全徃徃餐芝入瑤島

放鶴亭歌追爲張少司空賦

孤山處士放雙鶴結亭正在孤山麓當時絃管遍西湖獨  
有梅花清繞屋處士一去代屢更幾見蓬萊變陵陸水中

螺蚌枯欲死華表歸來鶴應哭草木已空石骨露谷雲濛  
濛覆叢竹荒榛故址尋不得日落山巔走樵牧木客夜嘯  
哀猿啼黃狸紫狐晝不伏古來文采風流存不矜閶闔矜  
衡門時艱倍有隱者跡俗古乃覺幽人尊十年開代有際  
會攀鱗附翼難比論公來爲政閭里樂一洗瘡痍安田園  
大堤稍稍種桃柳山中亦有桑麻村慨然襄古爲此亭冥  
漠欲招處士魂仍倚巖巖舊翠壁却塗丹碧新朱軒爲留  
雙鶴亦僊種秋天白日看騰騫月出一鳴丹頂仰水邊交  
舞霜翎翻都人聞之爭太息賦詩盡許碑陰勒我本西湖  
釣魚者四載京華悲旅食清時自分布衣賤耕鑿豈知

堯舜力公來不嗔隱淪醜使我山林長顏色追爲此詩淚  
沾臆吾生安得構一椽南山之南北山北

越吟篇爲宛委胡學士大母張太夫人壽

四座且弗誼請歌越吟篇越吟有所始乃在會稽山會稽  
鎮南服巖壑何鬱連玉帛朝夏后茅土陪東藩良臣翊霸  
圖河女賢名傳其人尚風節伏羲矜片言遠遊好奇服上  
國行盤桓振策入京華年少方翩翩參軍射聲尉待詔金  
馬門部署羽林郎扈從之甘泉蓮勺抱露宿屬車追後塵  
以次得量移司馬潞河濱習苦不言疲忽若東逝川室中  
何所有乃有未亡人二十尚不足顏色桃花妍初當結襦

時文繡被高車香囊結蒞佩翠幄垂流蘇隱隱何珊珊湘  
綺紅羅襦頭上步搖冠耳後明月珠芙蓉並蒂花灼灼當  
風舒兩好矜盛年皆言夫婿殊上己及重九嬉戲東城隅  
車馬爛生光被服麗且都來歸亦不遠荏苒一歲餘閉門  
下重關空房長獨居家有親父母嗷嗷坐念之不忍其孤  
子思心爲踟躕疇昔養女時掌上擎明珠八歲學文字十  
歲學琴書十三工刺繡十五織衣襦裁縫及烹飪事事甚  
獨殊指如削葱根口若塗丹朱細步行遲遲宛轉迴輕軀  
青眉翠黛長鬢髮鬢有餘生女得如此齊姜亦不如人生  
十九年杲杲東生日雖嘗事君子大義已終畢來日日苦

長嫔獨靡止極連理無特枝鴛鴦有比翼空廬臨狹邪聞  
寂處暗室窮巷何蕭條木門長蓬華菱花塵寶鏡膏沐無  
修飾朱粉棄不施有何好顏色東家貴公子嬌逸千金身  
阿父方侍中出入乘朱輪白玉鬣堂階黃金爲其門好迷  
念淑女媒妁通昏姻便當往從之去故以就新新人若初  
月故人星嚮晨晨星歛已沒初月皓經天行行告阿女阿  
女得聞之涕下不能言父母如天地鞠育良苦辛寸草被  
春暉引萼自蟬連春暉既有恩寸草亦有心結髮爲夫婦  
理瑟和鳴琴絲絃縮玉柱噉噉諧我音柱折絃亦絕聲響  
長銷沉以身事君子不忍更他人之死無沉吟阿母強謂

承明趨仗獨承恩伏勞奉慈訓忠悃鑿 至尊內殿贊密  
勿出納掌絲綸珥筆答封章玉几通星辰召對未央宮歡  
喜動 天顏夜永未歸來漏箭三四傳歸來中人引華燭  
撤金蓮五日一休沐門巷集朱輪華棨蔭廣座賓客多要  
津朝見七十士暮讀書百篇和光自謙下吐哺不及餐仲  
弟舉賢良季弟辟孝廉元纁及羔鴈陳我階東西大母實  
苦節豈知孫子賢否泰如晝夜天道亦好還郡國上牧伯  
牧伯上 天子 天子得聞之太息此賢母日出何矐矐  
詔書下闔里金題鏤玉音石表中天起煜煜何煌煌盤  
螭刻獅子旌杠樹朱門丹霞燦若綺阿母諫夫時十五頗

有餘寒暑遞代禪不知歲月除奄忽五十年駛若驟隙駒  
勢面悲至今顏色更豐腴眉髮如秋霜容采似葍趺耳目  
日康勝出戶不須扶孫子壽阿母阿母大歡喜可以慰區  
區簪我金花勝坐我翟茀車中厨辦豐膳玉盤鱸鯉魚旨  
酒清且嘉合樂吹笙竽孤兒已成翁鬢垂白鬚下馬入  
門來珩瑀鳴玉珠長孫入門來卷衣佩金魚仲孫入門來  
青葱織成裾季孫入門來方履行徐徐各前問安不音再  
拜申起居和顏類相似次第不相踰長安有邸第飛輿連  
雲浮朱樓臨廣陌觀者盈路衢家在會稽山閎閎塗丹朱  
鑑湖水湛湛樹木春扶疎高門容飛蓋戟戶納方車鄰里

之下意聽翁媪阿女實無狀中心怒如擣一身爲斷蓬去  
根日枯槁委命托黃壚已已不自保便欲從九泉引決苦  
不早腹中有遺孤五月方在抱生女得長成學母事綦縞  
生男繼宗祏春秋祀祖考忍死待須臾大節以爲寶白日  
照虛幌四壁陰風吹手巾斜掩面朝朝窗下啼三日奠白  
飯七日羹一杯初一及月晦楮帛焚靈衣卒哭有一月蓐  
草生孤兒五老相抱送皎靚好容儀今日樂上樂一喜還  
一悲素襪不設繡牀上抱兒看兒生頗類父眉目婉清揚  
肌膚白勝雪啼聲何嗶嗶九京既有後奉禮潔烝嘗松楸  
種丘墓亦得醴酒漿辛苦撫孤兒乳哺義所當二歲始學

語三歲行扶牀六歲教讀書八歲嫻詞章盎中無斗米柳  
無懸衣裳軋軋當軒織錦機錯流黃三日斷兩匹一日二  
丈長持錦買粟歸藿飯下葵羹得食兒不饑身體日康強  
十六兒成人着衣如父長更爲擇昏配六禮亦具將家門  
旣撐拄行己材且良爲丞試攝宰墨綬綰銅章清白溯家  
風勗兒崇令名司隸治國門赤棒鉏豪彊廉能有政績母  
訓如義方阿母日就老取次弄諸孫三人丈夫子螿螿復  
軒軒阿母生兒時黃口顧滄天兒今抱子入頗得大母憐  
卓犖觀羣書弱冠弄柔翰作賦準子虛著論倣過秦射策  
天子驚姓名殿上宣校書天祿閣冉冉步花磚給札備

各言好赫奕天下無春風長百物榮落隨其材天天桃李  
花芳香及時開嬌豔盛華葉中路風霜摧柔條無勁榦焜  
黃變芳蕤南山有松栢身體自崔嵬凌寒不改柯盤曲高  
岡隈旁蔭八九畝中心數十圍黃雲覆其顛茯苓爲其根  
風雲出其裏日月經其間上枝拂霄漢下根通淵泉人生  
有壽命際會乃在天無然計朝夕榮名保百年

同談長益贈紀伯紫次韻

何處滄江有釣臺金陵宮闕已崩摧短衣莫怨何時旦長  
鋏無如歸去來苦調王風詩一首交情今雨酒千杯相逢  
我亦憐漂泊未種孤山處士梅

夜久

夜久風逾急燈危幔屢開客愁增夕檮朔氣入寒灰作我  
周旋慣依人去住猜士龍虛入洛襪被爲誰來

稽留山人集目錄

第四卷

敝帚集

詩六十二首

己亥元日示舍弟 總憲洞門趙公夫人輓章二首

上元口號十首次米紫來進士韻 送談長益之

衛源 己亥中春張少司空招同諸子爲梁園之燕

雨不果往次日追步司空席間元韻簡謝 贈永嘉

韓叔夜明府初度 己亥莫春顥亭請假塋親余不

得偕遣舍弟附舟南下賦別 送嚴方貽歸里五首

送舍弟康侯歸八首 策馬送顥亭復入都門憮

然成咏 下榻且庵寓齋有賦 獮 烏 移館宗

伯學士家作 天祚弟遷長沙太守有詩畱別賦答  
兼勉其行 己亥莫春同紀伯紫韓聖秋叔夜張祖  
望陳子壽沈友聖徐存永吳蘭次程伯建謝爾元黃  
仲丹方孟甲宋牧仲鐵帆上人集柳湖蕭寺伯紫將  
之閩粵叔夜將之永嘉存永將之中州仲丹將之萊  
陽孟甲將之晉陽人賦詩一章贈別 送伯紫赴閩  
粵撫軍幕府二首 同朱鐵庵明府陪機石封公宛  
委先生振音翮羽兩孝廉後圃看花六首 重陪胡  
太翁步後圃花間旋過慈仁寺看海棠小憇松下再  
成六首 丁香 陪機石封公載酒慈仁花下飲

登毘盧閣 慈仁寺看花飲醉月出翮羽孝廉重邀  
松下酤酒更酌口占三絕句 閏三月立夏同人集  
謝爾元寓樓續柳湖之會芝麓先生命駕同飲卽席  
拈春歸二字各賦二首 熒惑不見歌 貧交行贈  
沈友聖 贈鐵帆上人

稽留山人集第四卷

己亥

詩六十二首

武水陳祚明詹倩甫著

己亥元日示舍弟

側足依人四載餘，汝來重見歲新除。  
虛傳栢子他鄉酒，實損椒盤上客魚。  
賦就當筵休輟筆，飽分索米勝攜勸。  
頻增年齒頭須白，翻爲窮愁失著書。

總憲洞門趙公夫人輓章二首

丹霄雲憶杳朱邸，翟衣寒潘岳今黃髮。  
王修竟白冠塞巖，餘伎在停杼故機。  
殘賓客同哀輓，彈絲慰謝安。

其二

朝廷嚴亞相大國表夫人遷秩安閒署開尊釀老春翟公  
偏食客方朔已稱臣執紼虞歌起能多堂上賓

上元口號十首次米紫來進士韻

宵漏初傳報玉壺香車小隊出崔盧狹邪路隘肩摩看擊  
筑吹簫盡酒徒

其二

小小青娥秋水眸黃金約指玉搔頭白綾襖子開箱著阿  
母今年許共遊

其三

月上朱樓碧漢斜燈圍火樹影交加一聲呵道行人避擁

出金吾白鼻騮

其四

廣陌盈盈誰氏姝儘教施粉復施朱誤疑曲水三春女多  
似山陰五日巫

其五

妝成側立倚朱扉珠箔褰開錦障圍跳索看呈門外戲吹  
簫疑向月中歸

其六

剪紙燈爲百樣花褰帷人坐四輪車風驅羯鼓隨香霧火  
作金蓮散彩霞

其七

羅裳掣曳罵春風笑語過橋細步工捫得金鋪蠲百病宜  
男不與小姑同

其八

九衢徹旦啟重閭朱戶畱賓夜已歇踏月朝官多捨馬看  
燈少婦不垂簾

其九

樂隊吳兒把玉簫水絃檀板互相招喧衡人語歌難聽羯  
鼓村郎意氣驕

其十

酒酣攜客步遲遲夜久寒風兩鬢吹不見臨安歌舞地正  
陽橋上立多時

送談長益之衛源

看君彈鋏行方始媿我披裘願屢違知己深傷臨別句同  
人多負遂初衣公卿却傍羞言隱去住相思揔不歸稍喜  
征途山水好太行雲向馬頭飛

己亥中春張少司空招同諸子爲梁園之燕雨不果

往次日追步司空席間元韻簡謝

梁園詞客未全無虛席何勞待酒徒柳斤微風春漸轉芹  
泥細雨日將徂已多珠履攜琴集實少銀鞍倚杖孤上已

蘭亭重被襖茂林修竹可招呼

贈永嘉韓叔夜明府初度

起衰八代推文筆爲令千山到海門此去徑愁持手板  
暫還戀倒清尊一官僊跡鳧飛迴孤嶼兵間蜃氣昏稱壽  
堂前詩酒客且須十日醉平原

己亥暮春顯亭請假葬親余不得偕遣舍弟附舟南

下賦別

昔我河上居固窮悲屢空炊突長不火游魚生釜中有時  
發商歌徒倚臨秋風其聲出金石無人知我工金門子通  
籍托信南飛鴻寄我一書札三五字縱橫殷勤勸治裘舟

楫何匆匆五月發錢塘六月經山東七月到燕山觸熱隨  
轉蓬下馬入門擲脫帽塵滿面相見各悲喜綢繆慰疲倦  
下榻施衾稠設食具醴膳欸欸話契濶陶陶共清燕命酒  
澆我愁論文許我善當君官侍從方讀中秘書晨朝騎馬  
出薄莫歸旅廬剪燭各成詩漏下三鼓餘四顧僮僕靜皎  
月臨前除鹿鳴呼野草兄弟亦不如飽餐大官米豈歎食  
無魚明年君改官始投青瑣闥憂國思諫諍欲令蒼生  
活立言持大體正論匪迂濶布政要仁厚樹業貴宏達但爲  
鳳凰鳴勿爲鼃黽聒媿我草野人無能贊毫末是時板輿  
迎色養方承歡拜母猶吾母欣喜侍帷幃一經韋氏學秀

出愛芝蘭承乏司請業爲師良獨難百氏誘漁獵六藝資  
仰鑽撞鐘憚屢叩勿語在時觀我本遜世人編摩廢十載  
少年獻楚玉則足況數悔篋中陰符經腐牘寧可採泝泝  
用封侯此言無乃詒象賢君家事一舉薦秋闈通經豈吾  
力使我生光輝驥足始騰踔鵬翮初翻飛聊用謝無罪藉  
手將言歸慰畱至再三弭節仍因依每食夏屋飯休採西  
山薇選士爾持衡首秋之歷下九月我亦行東首策征馬  
揮鞭度滄瀛稅駕入齊野不注孤峯青趵突流泉瀉詩篇  
互訓答酒尊共揮灑同歸復京邸廩給越冬春疎狂恕我  
直脫畧嗜我真上座忘我賤無家知我貧雪色白鋌重司

農頒俸薪惠我遠寄將食我家中人講席旣已謝歲月慙  
屢新語言本無味不足備諮詢情厚無中絕側足堂上賓  
今年君宦游淹忽有三歲乞假始及期陳情得引例常悲  
五父殯欲卜佳城瘞扁舟衛河放片帆滄江濟望雲行不  
遲到里日可計我游已五年日夜夢吳山人生匪兕虎豈  
不思歸還徒念乞食出終嗟買山艱京華可賣文家園難  
閉關滯畱豈吾願僊舟不可攀我本因君來終成送君去  
君若山上雲我若風中絮山雲有時歸飛絮不知處漂泊  
無前期行藏豈能預我弟念我來來亦主君家行歸適同  
時隨君託後車送君兼送弟涕下如綆麻兄弟如手足不

惜天一涯雖有良友朋臨岐莫咨嗟君行到鄉園莫復  
烹茶庭中有綠竹湖上饒荷花泛棹及良辰漾舟天氣嘉  
坐中無我在谷口空烟霞

送嚴方貽歸里五首

送子扁舟去松楸植故山雙墳先後母慟哭白雲間經術  
勤鑽仰名流善往還青春應莫負未仕得身閒

其二

三載同京邸論文風雨心夢中曾學御海上悟彈琴異姓  
成猶子同方有嗣音臨岐揮別淚併作潞河深

其三

緣子畱 京洛翻成送子歸到家榴正發惜別燕初飛客  
舍悲長鋏居廬憶素衣夢隨湖上楫不忘釣魚磯

其四

通經常卒業射策待徵車莫惜逢時晚深悲讀禮初舟中  
趨孔鯉道上泣臯魚倘過靈光殿無辭載筆書

其五

玉澗柳毵毵離人意不堪馬蹄仍向北吾道已應南修竹  
溪邊里桃花湖上潭聽鶯饒茂樹隨處把雙柑

送舍弟康侯歸八首

朝發東城道送子潞河濱踟躕不能別攬衣涕沾巾子歸

我復畱岐路中離分慊慊念當乖一本非他人從子舟中  
居信宿經三晨終然策馬去踐此京洛塵一步三迴顧馬  
足何遙巡望望不相見悽悽勞我神

其二

昔我辭家園謀食志不長抗手別同氣行遊天一方獨身  
如飛蓬飄颻離故鄉依人得飽食俛仰違衷腸兄弟如一  
體南北遙相望一日怨三秋倏已四五霜還歸寧不思所  
願弗獲將人生有家室豈得之首陽鷲鷲無健翮乃亦希  
稻梁

其三

客行多苦辛廬居有歡宴居者亦不歡所悲在孤散念我  
廓獨處從昏至明旦褰裳相求索百舍走京甸迢迢關路  
長跋涉子非慣天屬結綢繆在遠情如貫

其四

去鄉四千里相見燕山側苦思令人瘦安得好顏色何當  
桓山鳥忽作雙飛翼殷勤勸我歸未語淚沾臆兄行亦已  
久我且代兄出良厚意非薄使我增歎息本性各有諧混  
俗難可適爲佞我所工子來復何益

其五

疇昔侍大兄道廣氣亦振豈能問田舍志欲樹經綸時否

功不立凜烈甘湛身所存親骨肉踽踽三四人偷生計口  
腹本不差賤貧傭書代表耜薄業多苦辛終無谷口田長  
媿鄭子真我歸盡室餓不火悲在陳同居雖云樂無食誰  
見憐

其六

已已勿復云秉志各有方我當長作客子當早還鄉作客  
愛一身裏土脫如忘還鄉須校計門戶資周防有兄病不  
已有姪骨未彊扶攜同舖糜剪藿烹葵羹使兒讓梨栗使  
婦治衣裳習儉不知貧雖穆有餘慶我畱謁公卿或得錢  
一囊言歸亦不遲終期遂耦耕

其七

匹夫不可奪子能諒我心還車駕言邁放棹碧川潯治瘼  
無長物襍被抱鳴琴五年始會面一日竟分襟未來夢想  
接欲去離情深引義割恩愛兩裏何可任

其八

誰無兄與弟爾我良獨殊吟詩無異調學道敦同趣譬彼  
連理木並榦同根株枝葉互相蔭華實亦相如耦俱有依  
倚獨徃德乃孤一身失手足左右誰爲扶別路從此分且  
爲立斯須願各加餐飯保此尪弱軀

策馬送顥亭復入都門憮然成咏

散髮愛林莽愁踐 京洛塵依栖獨良友歸卜西陵墳相  
送發潞河征帆指天津遲迴不同去之都何苦辛踏鐙上  
馬別南北此乖分雪深泥塗滑馬行亦逡巡稍沿通州郭  
遙望上東門平原紆纒屬城闕何嶙峋此城冠蓋地公卿  
聚車輪並矜戚里貴誰念布衣貧褻刺謁高第曳裾趨下  
陳盱衡候顏色一言難遽申稽留乖本性去家況五春此  
都何足戀又無骨肉親每爲僮僕笑多謝兄弟憐衷腸不  
可語飲泣入城闔谷口饒烟霞躬耕爾何人

下榻且庵寓齋有賦

自我別嚴子栖遑復入京下馬入君宅周旋慰平生洒掃  
池上屋几席陳縱橫木榻設中央虛室宥以清幽窓素紙  
潔暖日照新晴白飯飽我腹亦有鱖魚羹旨酒盈金罍一  
舉進十觥言謔無所忌情親若弟兄多慚薄劣姿老大已  
無成才能謝馮驩智慮非侯嬴虜左竟何益濫竿當見輕  
眷顧良不薄悠悠知己情

猿

近曉啼何急山猿鐵鎖羈深蹲俄小躍端坐故愁窺拋食  
高低接攀枝下上移寸腸誰繫得歷亂故山思

烏

枯木分枝立槎枒併是烏一來看亂落底事好驚呼巨觜

張無已深毛黑不殊但飛因攫食空裏嚇鷓鴣

移館宗伯學士家作

褐衣與卿相貴賤分本殊 朝廷崇元老應運出真儒道  
卑管晏陋名與伊傅俱朝入未央宮莫出承明廬羣公望  
塵擡百吏隨風趨救時有上畧密勿清天衢如何愛寒士  
錄此薄劣軀開館啟朱邸下榻高堂隅延客西階上坐客  
瓊醞嘉肴克玉盤芳醴行金壺殷勤具餐膳問客何所  
需朝罷入門來披帷論詩書清談每相合更僕忘勞劬難  
弟並時彥過從日不疎綢繆意良厚欵曲情有餘歸興忽  
已忘豈嘆食無魚猥儕後乘客所媿非應徐

天祱弟遷長沙太守有詩畱別賦答兼勉其行

爾作長沙守南荒正用兵竟同鴻鴈去惜別脊令情愁捧  
飛芻檄欣看賣劒耕明廷公論在不負掛魚清

己亥莫春同紀伯紫韓聖秋叔夜張祖望陳子壽沈

友聖徐存永吳藺次程伯建謝爾元黃仲丹方孟

甲宋牧仲鐵帆上人集柳湖蕭寺伯紫將之閩粵

叔夜將之永嘉存永將之中州仲丹將之萊陽孟

甲將之晉陽人賦詩一章贈別 座有李校書侑觴

莫春修禊集羣英高步人人重上京招得遠公翻入社誰  
家女弟獨傾城觴因置羽飛偏急筆解生花弄亦輕南北

東西諸子去風流雲散不勝情

送伯紫赴閩粵撫軍幕府二首

君去隨征幕飄飄閩海行據鞍時草檄聚米爲論兵金策  
畀無敵戈船命有征所嗟戎馬裏趨走一書生

其二

不隱謀生計因人作遠遊自燕還適粵策馬更浮舟嗟子  
攜長鋏伊予攬敝裘何時與妻子挈榼餉西疇

同朱鐵菴明府陪機石封公宛委先生振音翮羽兩  
孝廉後圃看花六首

春風攜步履後圃似青郊異色攢紅萼交陰亞綠梢亭空  
蟾正吐樹暗烏初巢花外明燈出香醅送遠庖

其二

紫陌樓臺隘朱門邸第開爲園容五畝種果覓千栽翠幕  
琴書擁斑衣杖屨陪迢迢花徑迴客有曳裾來

其三

圃惟憐空澗樹已種葱青結構無多屋孤高有一亭雜花  
風藹藹叢竹露泠泠追食憂民暇開尊侍孔庭

其四

薊北韶光晚花時已莫春亂開桃藥密齊鞞柳條勻弘化  
調三事承歡飲一旬莫令風雨過藉草惜芳辰

其五

樹裏懸燈密亭中列席橫好花金谷滿名酒易州清膳借  
和羹視杯同賜露傾能詩諸謝在池草一時生

其六

故人來葉縣食客自夷門命酒須深飲吟詩許細論疎狂  
初奉席爛醉未空尊笑問河陽郭桃花似底繁

重陪胡太翁步後圃花間旋過慈仁寺看海棠小憇

松下再成六首

曲徑尋諳入花林曉更清盡開經昨日相向喜春晴隨步  
株株數臨風朶朶輕先生爲幽興重繞藥欄行

其二

近暝昔今昔也曾遊重看事事幽碧還遮屋外紅竟出墻頭  
瑣細苞俱拆丰茸筍倍抽應須頻日過莫遣落英稠

其三

復道招提近探尋發興偏繁花開此日老樹種何年碧似  
衰青蓋紅宜覆綺筵預愁香萼散爛慢布金田

其四

白白吐丁香紅紅映海棠競開晴日暝無那早風狂衆木  
皆成態雙松最不忘無將歲寒節不及鬪時芳

其五

百遍看松過春光駘蕩中陰濃初蔽日濤緩不驚風葉換  
添青鬣花飛散碧空攀條無遽感雨露一時同

其六

緩步輕雙屐看花問四鄰紫芝山上曲黃閣膝前人最憶  
蘭亭會能多梓澤賓百年纔得半歲歲洛陽春

丁香

窻外花如雪丁香爛熳開坐遮芳樹色身置白雲隈瑣細  
風無定玲瓏月漸來春蕤隨意發種玉已盈階

陪機石封公載酒慈仁花下飲

芳辰載酒燕琳宮綺席宜安雙樹中藥密倍添朱萼紫萸  
飄故點碧苔紅斑衣色射臙脂潤玉瓊光含琥珀空不醉  
却愁西日落願將百罰謝春風

登毘盧閣

裊裊丹梯百尺懸登臨步履上諸天平看 帝闕侵雲裏  
俯瞰長安坐日邊繚繞千峯環地脉參差萬戶帶人烟關  
河南首江鄉隔作賦空悲王仲宣

慈仁寺看花飲醉月出翮羽孝廉重邀松下酤酒更  
酌口占三絕句

看花不厭千杯酒愛月還尋兩樹松我醉徜徉君莫笑明  
年衰鬢更龍鍾

其二

客醉沈冥臥石壇  
龍葱樹影月光寒  
請君試問雙松樹  
多少遊人向此看

其三

松樹離離覆上方  
花宮夜夜月蒼蒼  
酒人坐樹今誰在  
月下能來醉不妨

閏三月立夏同人集謝爾元寓樓續柳湖之會芝麓

先生命駕同飲即席拈春歸二字各賦二首

客中銷歲月醉裏失青春  
此日登樓賦能多授簡賓盛筵  
偏已再痛飲莫辭頻細數  
蘭亭客今朝換幾人

其二

候移初入夏酒醉未言歸  
對月驚聽屐臨風共解衣  
飛觴休待漏揮塵愛忘機  
月集添因閏過從幸不稀

熒惑不見歌 有序

玉川子有月蝕詩郁離子有二鬼歌皆出古樂府  
俳歌康老胡之遺詞繁不殺閱之使人笑不能止  
夫言出於俳雖神史百家皆可採取若自我為之  
疆作而無據已俳而復出於俚其去村伶盲嫗有  
幾故不可也俳之言不得文則大小雅也不為  
俳韻不得疆屬滑稽者貴其不窮也窮於韻而疆  
詞以屬之期期然使人疑夫郭舍人者無乃有周  
昌之疾乎不稱俳旅邸長夏無事閱虛劉二詩戲  
數其體為熒惑不見  
歌一篇自卯至己成

周天九九八十一萬里北極乃是紫薇庭繞極四方二十

有八舍鍾英散布爲列星左蒼龍右白虎前朱雀後元武  
大者煌煌小冥冥迴環三百六十五度四分度之一左旋  
一日一周又復一度有奇零其上條分縷布經紀密自下  
直視如望遠山杳杳成蒼青常明之星萬有一千數十百  
其餘或隱或見不可悉數但見綴珠垂露森圓瑩是皆精  
氣凝光彩一一照灼棲神靈朝出東海夕沒西海人一呼  
一吸行一千里與天上下無畱停惟有五星水火木金土  
聚爲五緯天數五其體獨校衆星大五色爛爛榮光吐要  
結日月稱七政右轉特與天行逕橫穿側折二十八舍中  
災祥變異各有主遲畱伏匿當居不居不當去而去入犯

乘陵莫敢拒有時合併侵鬪自相逢惡或相攻喜相取勾  
已欲似巴江流交爭每如穀洛怒土爲填星歲填一宿行  
何遲獼猴乘土牛行行步念之木爲歲星歲度一宮二宿  
或三宿尺寸不得聊差池霍光殿上步可數一十二歲無  
改移太白星辰但附日局促豈敢相睽離啓明長庚稍高  
出最憐辰戌丑未二分二至見四維經天晝見猶復居然  
獨自走水星謹愿猶如處女曾不離閨帷就中惟有熒惑  
性不定逆行順行雖有常度有無倏忽何人知火德爛爛  
不可嚮邇無形附物何離奇守心亦感明主德入斗多知  
天子危此星所司爲執法疾惡如讐常降罰能詩往往作

歌謠譏刺時時中失闕猶有童心化童子秋水爲眸雲是  
髮過都入市人不識北極幽燕南百粵其初亦奉天帝命  
潛行旣慣輕出沒不知何日曳一匹練下人間一駐百日  
不佞還貪食萍實甜如蜜愛看姹女工數錢九天門開排  
虎豹殿中玉几敷純筵白榆歷歷夾道黑衆星共北聲喧  
闐三足之鳥翹足立蟾蜍左顧短項偏北斗揭柄待斟酌  
南極老人鬚皤然三垣垣墻立如堵五車三柱撐拄堅羽  
林叢叢七萃肩摩踵相躡師門北落壁壘隅落相鈞連陣法  
有偶落華蓋當風自悠颺軒轅大旗旗有九旂一旂一星  
鈞連纍纍凌空懸上台中台下台執笏階前嶷不動天駟踴跳

王良牽天津津梁絕銀漢閣道附路直向天苑臨天田文  
昌六星爲輔弼天大將軍躬擐甲胃垂橐鞬不見鞠躬有  
奏事但當側耳聽傳宣隆隆殿上鐘鼓發鈞天樂作畿淵  
淵玉女投壺天公笑睿容哆口流光曜電影一發呼雲雷  
阿香推車童子叫金策剪鶉或賜秦玉弓射雉亦命趙帝  
旣醉止惟所爲羣神奉命各承教苟幸無罪容一身珮玉  
拖紳握樞要獨有五星班次四星仗下拜熒惑一星無故  
朝叅胡不到此時正在酒家眠爛醉豈知天帝詔便使豐  
霽鳴鼓記鳴鼓而攻之屏翳從蚩尤揚旗跨長虹龍伯鬻鬻九角  
蠱蓐收金面毛蒙茸羣神受命風作馬鞭雷掣電來烟空

熒惑蒼黃走入長安人家屋底牀下伏一時薶芒擗角

星有

芒角詩以薶茶薶樂府有捉搦歌

將去對簿明堂布政宮初鞫縲紲貫索

裏再訊桎梏天牢中五辭九讞復三覆當大不敬如律鬼薪白粲城旦春大帝却念熒惑兒童無知初犯法免其作苦除去朝籍謫落文身之國滄海東爾司秉衡執方矩以刑佐禮明天工楚吳閩粵盡南海揚州之野衡山封是爾分土爾今不必自以爲功雖無絲麻有菅蒯君子代匱凡百同熒惑迢迢去天路降生亦有公與姥含齒戴髮儼然遂是人間人饑須得食寒須繒與紵三日啼呱呱七日臥索乳五歲詩書畧上口八歲九經通訓詁小時詠兔叶宮

商大來賦鵲成纂組從來譴謫豈有榮華時備歷艱難嘗險阻邦國崩摧感劫灰室家破碎驚風雨盍無擔石儲又無立錐土本未爲人不知滑稽突梯諧人情褐衣寬博道上循墻行偃僂月下獨彈蒯緄劍雪中五趾無底履性情嫺雅頌道術綜三五載籍攬極博作歌思太古抱疾已是烟霞錮守拙只愛麋鹿伍簪纓竟何物公卿爾誰許噐噐意自得落落衆所侮奇字不堪售與人猶如五石之瓠大而無當焉足取可憐身寂寂只是走獐獍父書不能傳兄死不及藏弟姪苦索糜與飯妻子乃亦要衣裳不工理漁釣莫解事耕桑負薪疲病足力不彊東西南北迷所往喪

家之狗徒奔忙昔者游太清縹青瀟氣碧調笑義和與結  
璘蹴蹋雲師譙風伯兄事木帝精弟畜蝕昴客作劇生拔  
蒼龍角使氣直騎參虎脊時入端門徑排闥蹙渡天河惟  
掛席招來五緯編作珠推墜羣星化爲石誰憐今來忽作  
人肉重骨淫雲路隔生涯不異蟻在垤歲月可憐駒過隙  
蒙袂塵沙風迷離側足荆棘路逼窄蒼蒼之氣博博十附  
地絕天長棄擲身作女媧黃土搏成之一物啄腐天  
肉梟穢骨髓易南斗籍上注姓名大帝庭中掃行迹當年  
天上攜手人豈念吾生此連尻淚下如縷糜鼻涕長一尺  
空啼杜宇血徒銜精衛石從來物化本無常嗟爾悲啼亦

何益左慈走入羊千頭牛哀變就虎一隻蝴蝶不知是莊  
周老人或且爲黃石已已勿復悲榮辱古難齊獨是七政  
二十八舍寧獨我有罪大帝賞罰無乃不得宜不見曜靈  
亦共夸父走姮娥曾作后羿妻北斗七星空圍躑躅作豕  
突又與南斗山下賭圍碁月孛兩乳倒掛肩上浴渭水尚  
令七車學士得識之歲星自名

古詩自名曰鴛鴦

東方朔虞淵西

去騎虎浮紫泥鞭虎虎嚙足足痛裂布裹一出千日不礙  
迴口中流涎竊桃喫王母鬘詣漢武帝尚復抉破殿上罌  
恩窺客星正是大澤羊裘一男子太白有時拄杖爲老兒  
南箕哆侈舌如簸箕但戀朝中作宰相乃在傅巖之下持

杵許許爲人築墻爲河鼓織女不畏忌七月七日公然役  
使烏鵲填橋相會爲奸私故將浮槎誘張騫漾漾引入天  
漢澹目桃色授不織錦贈以五色斑斕之文石至今機杼  
欹側無物相撐支漢光武時二十八宿貪向雲臺壁上畫  
周昭王日恒星不見青天誅蕩林林總總皆安之況復上  
古天帝愛白雀遂往下土隨人嬉酒眠醉不醒五龍之車  
他人騎天上天下往來紛紛走如織今日世上倘有星宿  
私來遊戲誰能知熒惑下地爲人百年三萬六千日天帝  
刑法不整飭案上簿書勞如絲此時苦追憶乃知五星闕  
一難爲治好語召熒惑叱叱行來來若爾欲得衣天孫七

襄文錦光陸離若爾欲得食天厨熊蹯麟脯蒸豹胎湛湛  
醞醪酒星碧糟牀新涕清漣漪天園果樹垂纂纂枇杷橘  
栗桃李梅庫樓陰岑爲礫室構榼杓棟如輦飛黃金爲爾  
堂白玉爲門楣牀琢藍田璧鬱鬱紫霞帷五老奏笙磬簫  
史騎鳳吹參差成行玉女年可十四五頂中作髻餘髮并  
并鬻間垂奉爾燕息胡不樂僊人與爾陸博五箸爲歡娛  
爾但能來無所苦噫嗟哉人間不可以久居熒惑伸鬻再  
拜跪稽首附書報謝天帝知小臣無狀性嬾惰世上齷齪  
誠不卑孟子不在生既有兄與弟詎忍與之長相辭骨肉  
共離裏白首情依依蓼蟲避葵董習苦不言非所憂獨貧

賤亦或凍與饑亮哉此固命甘之乃如飴且復近得清淨  
理此理寂滅幸不迷處順無安排與時任推移天上之樂  
信可樂情欲淨盡苦樂一槩無欣悲不知天帝稍時何以  
詔熒惑但見熒惑顏色枯槁面目黧黑猶復仰天大笑我  
自樂此不爲疲嗟乎吾生三十有七歲在世落落多艱危  
莫是亦從天上謫倘來召時慎勿歸

貧交行贈沈友聖

嗚呼古道不可作勢利之交尚輕薄高輪大馬來如雲失  
時門外堪羅雀沈子落落草衣人但愛朋友不顧身昔時  
扁舟到君里三江水漲葺城春以蓆爲門蔽圭窬通國未  
有如君貧酒酣彈劍氣無敵自言喜怒多任真興發斯須  
詩百首文不加點如有神茲來京邸爲揖客公卿之家虛  
左席四方才彥至者多把臂殷勤問三益手招二陸謁司  
空介紹巨卿見元伯訪友不因風雨緩裋褐麻鞋走朱陌  
是何結交多益善肝腸輪吐意不隔我嬾亦向長安游病  
臥少過公與侯人生投分不可量沈子貧交偏見求快意  
相知滿天下青鞵布襪歸來休

贈鐵帆上人

相過不得見盡道鐵公賢我欲叅祇樹何時種白蓮有經  
皆說法無計可安禪請問虛空外心燈底許傳



